

四庫全書

子部

欽定四庫全書

羣書考索後集卷十一

宋 章如愚 編

官制門

國子祭酒

周師氏以三德三行教國子凡國之貴遊子弟學焉

保氏養國子以道教之以六藝六儀

漢置博士至東京凡十四人而聰明有威重者一人為

祭酒謂之博士祭酒 本注曰僕射中興轉為祭酒  
胡廣曰凡官名祭酒皆一位之元長古者賓得主  
人饌則老者一人舉酒以祭地故以祭酒為名焉  
此國子祭酒名所由始也

晉武帝咸寧四年立國子學置祭酒一人 永嘉中又  
別置儒林祭酒一人以杜夷為之命常為訓範總統  
一學中衆事又立太學

宋不置學明帝置總明觀祭酒一人 齊永明中立學

尚書令王儉領祭酒省總明觀 齊梁號為國師  
梁武帝以國子學生舊限貴賤帝招徠後進五館生  
皆引寒門雋才

陳 後魏亦曰國子祭酒 北齊國子寺有祭酒一人  
隋開皇中國子寺不隸太常 凡國學諸官自漢  
以下並屬太常至隋始革之

又改寺為學仁壽元年罷國子學唯立太學省祭酒  
等官 煬帝改國子學為國子監復置祭酒

唐因之龍朔改為司成館祭酒為大司成咸亨復光宅改為成均監神龍復領六學國子太學四門律學書學算學皆以儒學優重者為之

通典職林

宋國子監有判監事有管勾監事待制以上則為判餘為管勾

會要

熙寧初詔用經術取士廣闢黌舍分為三學增置生徒總二千八百人朝廷育才於斯為盛

及元豐中復正官名置國子監祭酒掌三學之教法

政令

續會要

而祭酒猶未除人崇寧立辟雍置大司

成一員為師儒之首總辟雍太學之政令位諸曹侍

郎上

本朝官制

詔天下貢士以三舍考選政和罷三

舍辟雍官屬並罷

四朝志

建炎三年併國子監歸禮

部紹興三年詔駐蹕所在因國子監量養生徒置博

士二員祭酒猶未置也 十二年始置祭酒

中興會

要

十三年太學成

劉季裴題名記

國子司業

煬帝大業三年於國子監初置司業一人禮曰樂正司

業父師司成因以為名

唐置二人副貳祭酒通判監事龍朔二年改為少司成  
咸亨初復舊凡祭酒司業皆儒重之官非其人不居

通典

歸崇敬授國子司業上言司業義在禮記樂正司  
業正長也言樂官之長同主此業爾雅云大板曰  
業按詩周頌設業設簾崇牙樹羽則業乃懸鐘磬  
之簨簠也今太學師不教樂於義則無所取請改

國子監為辟雍祭酒為太師氏司業一為左師一為右師詔下尚書集百僚定議以聞議者重難改作其事不行

宋有同判監事同管勾監事或帶職朝官充凡監事皆總之

會要四朝志

元豐正名置司業掌三學之教法

政令續會要初除朱服

職畧

建炎三年省紹興十二

年復置

中興會要

隆興併省司業不許與祭酒並除

乾道七年欲除劉焞孝宗曰司業乃祭酒之貳並置



何妨於是始並置 孝宗會要

國子監丞

隋置三人唐一人掌判監事凡六學生每歲有業成上  
于監者以其業與司業祭酒試之登第者白祭酒上

于尚書禮部 六典

宋景祐二年孫祖德請於直講京官內差一員充監丞

詔學官兼領掌錢穀出納之事 兩朝志 元豐定制置

祭酒司業掌三學之教法政令而監之事則丞與焉

續會要

建炎三年省紹興十二年復置

中興會要

# 國子博士

班固云六國時往往有博士掌通古今

又曰博士秦

官漢因之後多至數十人武帝初置五經博士宣帝

成帝時五經家法稍增置博士一人選有三科高第

為尚書次為刺史其不通政事以久次補諸侯太傅

元始四年改博士為博士師

後漢兼而存之博士凡十四人

易施孟梁丘京氏尚

書歐陽大小夏侯詩齊魯韓毛禮大小戴春秋嚴  
顏各一博士華嶠漢書曰初欲立左氏傳博士范  
丹以為左氏淺末不宜立陳氏乃詣闕上疏爭之  
更相辯對帝卒立左氏學

掌以五經教子弟國有疑事掌丞問對 安帝以博  
士多非其人詔命三公將軍中二千石舉博士各一  
人務得經明行高卓爾茂異

晉咸寧四年初置國子博士一人皆取履行清淳通明

典義若散騎常侍中書侍郎太子中庶子以上乃得  
召試

梁置五經博士各一人 魏晉宋齊並不置五經博士  
至此始置

隋省國子博士至大業復置

唐增置二人掌教文武官三品以上及國公子孫龍朔  
改為司成宣業咸亨初復諸州府亦有經學博士一  
人通典

宋國子監無博士有直講八人熙寧改為太學博士元豐定制亦無國子博士大觀元年薛昂乞置國子博士四員國子正錄各二員與太學官分掌教導從之建炎併國子監於禮部紹興三年詔駐蹕所在因國子監量養生徒置博士二員

中興會要

餘學猶未置也

國子監主簿

北齊國子寺置主簿隋一人唐因之掌印勾檢監事凡六學生有不率師教者則舉而免之

六典

宋國子監主簿一人以京官或選人充掌文簿或勾考

其出入焉

兩朝志

元豐元年詔省主簿三年罷書庫

官復置主簿

會要

國子正錄

北齊國子寺有正錄員

隋一人

唐因之

六典

宋闕雖元豐定制亦不置國子正錄大觀元年薛昂乞

置國子博士國子正錄與太學官分掌教導從之自

是始置正錄凡二員建炎三年省紹興十二年復置

書庫官

宋書庫監官以京朝官充掌印經史羣書以備朝廷宣索賜予之用及出鬻而收其直以上於官

續會要

建炎三年併國子監歸禮部官省 紹興十三年復置一員後省三十二年詔學官兼書庫 乾道七年

復置

中興會要孝宗會要

太學 太學博士

晉江左因裴頠奏增置國子博士十六人謂之太學博

士品服同國子博士 梁置太學博士八人 北齊  
國子寺有太學博士十人 後周置太學博士下大  
夫六人 隋仁壽元年罷國子惟立太學置博士五  
人大業減置二人

唐增置三人掌教文武官五品以上及郡縣公子孫  
典

宋熙寧四年詔宋靖國呂嘉問相度錫慶院建太學從  
鄧綰所請也 綰言國子監粗容春秋釋奠齋庖之



室不足以容諸生至於太學即未曾營建止是假  
錫慶院西北隅廊屋數十間逼窄湫隘又官司未  
曾葺治今大新學制學者全集恐不足以容乞特  
賜錫慶院為太學故命相相其地建之

元豐三年詔改國子監直講為太學博士每經二人  
掌分經講授考校程文以德行道藝訓導學者 紹  
聖元年左司諫翟思言前熙寧更置太學博士正錄  
雖有朝廷特除然類令國子監長貳薦舉所業攷第

高下以次除授復位試法以覈材實其進士發解省  
試廷試在十五人內太學上舍內舍職事者並令召  
試不在此例許投所業國子監攷覆方與召命元祐  
以來罷去試法請自今除學官依舊法召試從之元  
符元年詔學宮歲一試政和七年臣僚言熙寧元  
豐間博士未嘗除代近年以來席未暖而代者已至  
率三人而守一若從正錄第遷則博士可免除代與  
前熙寧元豐無異從之並續會要建炎南渡廢紹興

十二年權於臨安府措置增展置太常博士三員十三年始復建太學

太學正錄

北齊國子寺有錄事員 隋一人 唐因之 六典

宋仁宗朝胡瑗掌太學其正錄第補諸生 熙寧末興

三舍始選官為正錄如學官之例 聖朝職畧 學正五

人學行學規凡諸生之戾規矩者待以五等之罰學

錄五人掌佐學正糾不如規者 元祐三年罷命官

正錄以上舍內舍生充後復置命官學正二員 紹

聖改元復 元豐學制命官學職悉仍舊焉 續會要

建炎三年省 紹興十二年復置各一員 中興會要

### 武學

武學博士武學諭慶歷三年置學始以阮逸為之 宋官

制未幾省 熙寧五年樞密院乞復置武學選文武

官知兵者充教授仍差韓績判武學郭固同判 朝

臣以上判學 續會要

武學教授如國子置直講 元豐官制行改為武學博

士 教授蔡碩就除博士 武學博士學諭各一人

掌以兵書弓馬武藝訓誘學者

四朝志

建炎兵興廢

紹興十六年詔令臨安府修建武學二十六年詔

武學博士學諭各置一員內博士於文臣有出身或

武舉出身曾預高選人充其學諭差武舉人

中興職

畧

將作監

將作監秦有將作少府掌治宮室 漢因之景帝更為  
將作大匠秩二千石中六年改光武省常以謁者兼  
之章帝建初元年又置初以任隗為之掌修作宗廟  
路寢宮室陵園木土之功

魏 晉因之江左至宋 齊皆有事則置無事則省  
梁天監七年置十二卿改將作大匠為大匠卿是為  
秋卿 陳因之

後魏亦有之 北齊有將作寺其官曰大匠 後周有

匠師中大夫掌城郭宮室之制又有司木中大夫掌  
木土之政令

隋與北齊同至開皇二十年改寺為監大匠為大監初  
加置副監煬帝十三年改為大令 唐復為匠龍朔  
改為繕工監 咸亨復光宅改為營繕監神龍復天  
寶中改大匠為大監掌土木工匠之政 通典六典唐  
職林

宋判監事一人以朝官以上充凡土木工匠之政隸三

司修造案本監但掌祠祀供省牲牌鎮石炷香盥手

焚版幣之事

續會要

熙寧初以嘉慶院為監上重

為任使統修造之政

會要

四年以范子奇判監向宗

儒同判

元豐乃正名焉

職畧

掌土木工匠之事凡

出納籍帳歲受而會之上工部分案五設吏二十有

七總局九宮城繕完則歸修內司辨其工作因能任

事則歸東西八作司乘時儲積以待給用則歸竹木

務窑務丹粉所麥麵場前期撲斫以應緩急則歸事



材場歛其餘材無所遺棄則歸退材場續會要中

興以來將作少府未置監 建炎三年始併歸工部

紹興三年復置將作監少府事總焉中興會要

將作少監

後周有少匠下大夫 隋將作置副監一人煬帝改為

少監又改少匠又更少令 唐武德以為少匠 龍

朔中為繕工少監 咸亨中為營繕少監後復故 唐

職林

宋熙寧四年將作監置同判 元豐中為少監

續會要

將作監丞

漢將作有丞二人後漢置一人

晉魏

因之

東晉

宋齊有事則置無事即罷

梁天監七年置大

匠丞一人

陳因之

後魏有之

北齊四人

後周曰匠師上士

一人

隋二人

唐四人

六典

掌判監事凡內外繕造百司

供給大事則聽制勅小事則候省待以諮大匠而下  
於署監以供其職

宋朝熙寧四年以宋靖國知將作監丞續會要元豐

正名初除吳處厚職畧

將作監簿 晉將作置主簿員江左有事則置無事則  
省

梁天監七年復置將作主簿一人 北齊將作等有功  
曹主簿員若有營作又別立長史司馬主簿各一員

隋二人

唐因之

六典

掌印勾檢稽失凡官吏之申請糧料俸食差遣假使必由之以發其事若諸司之應供四署三監之體物器用違闕隨而舉焉

宋熙寧四年初以殿中丞楊增知將作主簿公事

續會

要上元豐正名初除

軍器監

後周武帝四年初置軍器監

隋百官志

隋少府監統

鎧甲弓弩等局

唐武德初有武器監一人少監一人掌兵使廐牧 七年廢軍器監 八年復之 九年又廢 貞觀元年罷軍器大監置少監後省之以其地隸少府監為甲弩坊馬皆隸少府右尚署 開元初復以其地置軍器使至三年以使為監更置少監一員丞二員主簿一員錄事一員及弓弩坊等署 十一年悉罷之復隸少府為弓弩坊 十六年復移向北都監掌繕造

甲弩之屬辨其名物審其制度以時納于武庫少監

為之貳

六典

宋軍器領於三司胄案官無專職 熙寧六年廢胄案  
乃按唐令置監擇侍從官總判增勾當以為之屬

元豐中復正名分案百設吏十有三總局五掌繕治  
兵械什物之事 續會要 建炎三年併歸工部 紹

興十一年復置長貳一員

中興會要

軍器少監 沿革見軍器監門

軍器監丞 唐武德初武器監置丞二人貞觀六年廢  
武器監開元三年置軍器監有丞二掌判監事凡材  
革出納之數工徒衆寡之役皆督課焉 唐百官志六

典

宋神宗時置丞二人初除沈叔通

職畧

建炎三年省紹

興三年復置 中興會要

軍器監簿 唐武德初武器監置主簿一人貞觀六年

廢武器監開元三年置軍器監有主簿掌印及勾檢

稽失

百官志六典

宋神宗時置主簿一人初除錢長卿

職畧

日厯所

修日厯官 唐貞元初韋執誼奏修撰私家紀錄非是  
望令各撰日厯月終館中詳定從之此日厯所從起  
也 葉伯益宏辭編題

宋舊以宰相兼監修國史修撰直館檢討無常員掌修  
日厯以時政記起居注會集修撰為一代之典舊於



門下省置編脩院專掌國史實錄脩纂日厯元豐四年廢編脩院歸史館官制行屬祕書省國史案六年詔祕書省長貳毋得預著作脩纂日厯事進書即繫銜以防漏洩如舊編脩院法焉八年詔吏部郎中曾肇禮部郎中林希兼著作職事官兼職自此始元祐五年移國史案置局專掌國史實錄編脩日厯以國史院為名隸門下省更不隸祕書省 紹聖二年詔日厯還祕書省 宣和二年詔罷在京脩書諸局惟

祕書省日厯所係元豐國史案除著作官專管修纂  
日厯之事無定員外其元豐分案編修日厯書庫官  
吏並依元豐法 四朝志 紹興元年以修日厯所為  
名又詔祕書長貳通行修纂日厯

以少監程俱言長貳於條不與修纂欲準元豐故  
事著作官闕從本省府暫牒校書郎或正字兼權  
所貴不廢編修故有是命

三年詔左僕射呂頤浩兼提舉修國史 時修日厯

張綱言祕書省權輕難以取會又孫近言景德二年王旦為相領史職乞宰府提舉故有是命

詔修日厯令侍從官帶史館修撰餘官帶直史館史館檢討若著作郎佐郎闕依元豐例差郎官兼領時以祠部郎虞灃兼大著禮部郎舒國清兼小著

日厯所以修國史日厯所為名四年詔修國史日厈所以史館為名依舊制置編修校勘官十年秦檜請下有司討論史館建併之弊禮部看詳於前元豐舊

制併歸祕書省國史案以著作郎佐郎修纂日厯遇  
修正史郎置國史院遇修實錄即置實錄院見今修  
淵聖及今上日厯令宰相提舉以監修國史繫銜實  
錄院以提舉實錄院繫銜

中興會要

### 會要所

修會要官唐德宗貞元間蘇冕始為唐會要四十卷武  
宗時崔鉉又續四十卷

宋建隆初王溥取自宣宗以後故事并蘇崔所錄共為

一百卷 宋朝會要 自建隆止慶厯四年成一百五十

卷 章得象上王洙編脩 王珪續以慶厯止熙寧十年

通舊增損成三百卷總二十一類八百五十五門 國

朝會要序 乾道四年詔尚書太僕射陳俊卿兼提舉

編修本朝會要五年祕書少監江大猷等言蔡攸所

修宋朝會要除將熙寧十年以前章得象王珪所修

重加刪削外其自元豐至政和止修得帝系后妃吉

禮三門攸所修吉禮緣當時議論好惡不同妄有刪

改以迎時好乞令本省再加刪定兼令采續修斷自  
神宗其五朝會要內有熙寧十年內事亦合重行編  
入以續修本朝會要為名從之六年中書門下省言  
國朝會要以修至靖康詔令自建炎元年接續至乾  
道五年九年祕書少監陳騭言編類建炎以後會要  
至紹興三十二年六月十一日成書以中興會要為  
名從之孝宗會要

勅令所

提舉修勅令詳定附宋天聖慶厯嘉祐熙寧編叙及元符勅令格式各差宰臣提舉。○此事見續會要何執

中奏四朝志乃云提舉勅令自熙寧初編修三司令式命宰臣王安石提舉自後皆以宰執為之如志所言是自熙寧始也然天聖既有提舉之例則不應自熙寧始五朝會要無所書今姑存之以俟考究

詳定官以待從之通法令者充 舊制一員宣和中

七員靖康減三員

政和元年差左僕射何執中提舉重修勅令執中上  
章力辭於是不帶提舉以兼領為名同提舉焉 紹  
興中改為詳定一司勅令所自建炎四年以前著為  
紹興新法以後續降幾二萬餘條前後牴牾乾道四  
年刑部侍郎汪大猷請行刪削於是復置勅令所提  
舉官以提舉詳定一司勅令繫銜詳定官以兼詳定  
一司勅令繫銜 孝宗會要



宋修軍馬司勅則屬樞密

仁宗時命田況提舉熙寧八年權知審刑院崔台符言奉詔修軍馬司勅緣軍政事重故事以樞臣總領於是命樞密使陳升之提舉管勾紹聖元年又詔知樞密院事韓忠彥提舉管勾詳定刪定軍馬司勅例續會要刪定官宋朝舊刪定無常員大觀三年詔六曹刪定官併入詳定一司勅令所為一局四朝志後省紹興十二年徐度申請裒集建炎紹興詔旨令專置一局乞

權行復置刪定官以三員為額於行在職事官內差  
兼詔依舊以勅令所為名後省乾道六年復置勅令  
所汪大猷申請正差刪定官乞繫銜充詳定一司勅  
令所刪定官兼刪定官繫銜兼詳定一司勅令所刪  
定官淳熙十五年林栗申請廢勅令局刪定官並省  
紹興二年復置局差刪修官三員勅令所題名

### 東宮

詹事秦官 應劭曰詹省也給也 漢因之掌太子家

位在長秋上 成帝鴻禧三年省 魏復置詹事領

東宮衆務 晉或置或否

齊置府領官屬 梁 陳任總宮朝 後魏有太子左

右詹事

北齊東宮衆事無大小皆統之 唐置詹事府掌內外

衆務糾彈非違總判府事置少詹事以貳之龍朔改

端尹少尹咸通復垂拱改宮尹神龍復

通典

宋東宮官有詹事仁宗升儲置詹事二人神宗升儲置

詹事一人欽宗升儲置詹事二人多以他官兼充及

登位亦省

兩朝國史志職林云

左右庶子 古者天子有庶子之官職諸侯卿大夫士  
之庶子掌其戒令與其教治 庶子猶諸子周禮諸  
子之官司馬屬 有大事則帥國子而致於太子唯  
所用之

秦置中庶子員漢庶子為太子少傅屬官後漢員五人  
晉有中庶子庶子各四人宋中庶子與功高中舍人

一人共掌其坊之禁令庶子掌侍從左右與功高通事舍人一人共掌其坊之禁令隋有左右庶子唐龍朔中改左庶子為左中護右庶子為右中護 咸亨

中復故掌侍從贊相駁正啟奏

通典六典

宋東宮官有左右庶子舊制不常設每儲闈之建隨宜置官以備僚窠多以他官兼領

仁宗升儲置二人神宗升儲置二人欽宗升儲置一人四朝志乾道中庶子諭德除左不除右 同兼領

續會要

左右諭德唐龍朔中左右春坊置左右諭德各一人掌  
諭皇太子以道德隨事諷讚皇太子朝宮臣列侍左  
右階出入騎從

宋東宮官有左右諭德建儲則置否則闕仁宗神宗欽  
宗升儲皆置二人並他官兼四朝志云乾道置二人

惟除左不除右孝宗會要

侍講侍讀唐太宗為晉王府有侍講及為太子亦置焉

其後或置或否開元初十王宅引辭學士書者入教  
亦為侍讀職林而無侍講聖朝始置焉

左右春坊東宮之務歷代以中庶子領之北齊有門  
下坊庶子領之典書坊庶子領之隋門下坊置左  
庶子典書坊置右庶子


唐龍朔中改門下坊曰左春坊左庶子中允司議郎左  
諭德左贊善大夫宗文館學士校書郎洗馬文學校  
書正字等隸焉典書坊曰右春坊右庶子中舍人太

子舍人右諭德右贊善大夫太子通事舍人家令率  
更令等隸焉

宋建儲闈即置仁宗神宗升儲並以内臣為左右春坊  
勾當左右春坊事中興不置為不立東宮故也

孝宗乾道元年立皇太子置左右春坊二員同左右  
春坊二員會要





羣書考索後集卷十一

欽定四庫全書

子部  
羣書考索後集卷十二  
三

詳校官中書臣寶汝翼

主事臣祁韻士覆勘

總校官知縣臣楊懋珩

校對官中書臣徐步雲

謄錄監生臣吉士璵

欽定四庫全書

羣書考索後集卷十二

宋 章如愚 編

官制門

東宮三師三少

東宮三師三少三士教世子立太傅少傅以養之太傅

在前少傅在後

則有保出則有師文王世子

周成王幼在襁抱太公為太師大戴禮

西漢有太子太傅少傅

屬官有太子門大夫庶子洗馬舍人

後漢太傅禮如初不領官屬少傅悉主太子官屬

魏太傅於太子不稱臣少傅稱臣

晉咸寧中備六傅之職 三太三少

東晉置保傅而無二師 景帝諱師

唐三師三少官不必備惟其人無其人則闕之 分紀

宋朝師傅不常設 仁宗升儲置三少各一人丁謂兼

少師馮拯兼少傅曹利用兼少保是時實為東宮官  
餘多以前宰執為致仕官若太子太師太傅太保以  
待宰相官未至僕射者及樞密使致仕亦隨本官高  
下除授太子少師少傅少保以待前執政其少師非  
經顧命不除若本官至尚書即除少傅丞郎給諫只  
除少保若因遷轉則遞進一官至太師即遷司空矣

官制舊典

繼照堂 在開封府東真宗尹京日射

堂大中祥符二年臨幸賜名會要 資善堂 在元

符觀南大中祥符八年置仁宗律學之所天禧四年

徙御厨以北

會要

慶寧堂

英宗潛邸有閣藏御

覽經籍

續會要

睿成宮

元祐元年閏二月二十

二日詔神宗皇帝所居東宮改為睿成宮

續會要

龍德宮

元符三年二月二十四日詔懿親宅潛邸

賜名龍德宮是為徽宗舊邸

續會要

王府官

翊善宋朝太平興國四年置翊善一人

分紀

以常參官

充

續會要

贊讀唐開成元年宰相李石奏太子有侍讀諸王亦有侍讀無降殺之禮宜改奉諸王講讀

宋朝英宗治平元年諸王府置侍讀二人

職畧以為太平興國中始置侍講侍讀與此不同  
當考

徽宗政和七年張大亨奏竊見講讀之官在天子謂之侍講侍讀而在諸王府者亦有侍講侍讀官號比擬稱謂相紊詔諸王府侍讀改為贊讀侍講改為直

講

直講宋朝太平興國四年別置侍講以常參官充政和

七年詔改侍讀為直講

詳見贊讀

記室宋自明帝以後皇子皇弟雖非都督亦置記室參

軍

梁陳王府皆有

隋皇伯叔昆弟皇子是為親王府置記室參軍

唐因之

六典通典

後唐長興四年以前襄州觀察支



使魚崇遠為秦王府記室參軍事

宋朝太平興國中置 政和中以參軍行軍之際所稱  
詔除去參軍字

大小教授宋朝太宗至道元年以員外郎孫贍充皇姪  
皇孫教授從新號也

時中書言案唐文宗朝宰臣李石奏太子有侍讀  
諸王亦有侍讀無降殺之禮請改為奉諸王講讀  
今皇姪皇孫是環衛之職以教授為名從之

真宗咸平元年以朱昂兼南宅教授張蔚兼北宅教授嘉祐以來置諸宮教授立講書課試規罰之法

此事見紹興五年錢觀復奏疏

中興會要

英宗治平元年教授更不兼官以兩處供職有所廢

闕會要時宗室本支之盛自率府副率以上八百餘

人而教授之官六員而已因詔增置教授官凡皇族年三十以上者百十三人置講書四員年十五以上者三百九人增置教授五員年十四以下者別置小

學教授十二員并舊六員為二十七員以分教之大學京朝官充小學選人充四年詔今後諸宮院大小學教授有缺令國子監與學士院舍人院輪舉熙寧元年小學教授亦輪京朝官元祐三年詔諸宮學教授闕選所舉學官及可為師表可備講讀科不足則三省選陞朝官有出身年四十以上者充崇寧三年睦親宅周王宮廣親宅各大學小學教授一員廣親北睦親西及周王宮大學兼領小學各二員大小學

兼領始于此

六院

登聞檢院宋文帝元嘉九年魏主詔闕左懸登聞鼓以

達寃人

通典

唐大厯十四年詔天下寃滯於朝堂受詞推決尚未盡

者聽撾登聞鼓

通典

宋朝雍熙元年改匭為檢

東延恩曰崇仁南招諫曰思諫西申寃曰申明北

通玄曰招賢

七月改匭院為登聞仍依舊諫官一員判院會要

景德四年改為登聞檢院命樞密直學士張詠判院  
仍差內品監門不得監預公事

隸諫議大夫掌受文武官及士民章奏表疏凡言朝  
政得失公私利害軍期機密陳乞恩賞理雪冤濫及  
奇方異術皆受以通達凡進狀者先鼓院若為所抑  
則詣檢院

外有理檢使今不置始於淳化三年置理檢院於  
乾元門之西北廊以知制誥錢若水領之復唐制  
也至道三年廢天聖七年上因讀唐史見匭函達  
下民冤枉之事乃謂左右曰天下九州之大豈無  
冤枉之人若至京師檢院鼓院理雪此必是州縣  
官吏提點刑獄轉運使不能理雪又若不為申理  
則赤子無告矣乃置匭函仍專命御史中丞為理

檢使

分紀會要

中興之初因舊制置局于闕門之前

舊在宣德門外伏隸門下省

建炎三年專隸諫院

中興會要

登聞鼓院國初曰鼓司以內臣掌之鼓在宣德門南街  
西廊至道三年命太子中舍王濟勾當鼓司用朝臣  
勾當自此始

鼓司舊止內品許懷遠與殿直程峻二員勾當至  
是省峻而命濟始用朝臣也

會要

景德四年詔改為登聞鼓院命知制誥周起直史館

同判 仍差內品監門不得關領公事

會要

掌諸

上封受而進之以達萬人之情

會要 隸司諫正言

續

會要 凡文武臣僚閣門無例通達文字者並先經登

聞鼓院進狀未經鼓院者檢院不得收接

分紀

建炎

元年因舊制置局于闕門之前

高宗即位於南京召李綱為宰相綱奏曰人主莫

大於兼聽廣視使下情得以上達故舜明四目達



四聰而天下治今艱難之際四方休戚利害日欲  
上聞而士民之願効其智慮者尤多陛下即大位  
已踰月而檢鼓院猶未置恐非所以通下情而急  
先務也遂置登聞檢院鼓院於行在便門外進退  
志

三年專隸諫院

進奏院唐藩鎮皆置邸京師以大將主之謂之上都留  
後大厯十二年改為上都知進奏院官

五代以來支郡不隸藩鎮補人為者聽自置邸隸藩鎮者兼掌焉

宋初緣舊制皆本州鎮補人為進奏官其軍監場務轉運司則差知後官或副知掌之逐州就京師各置進奏院會要太平興國八年諸州罷知後之名簡知後官得李楚等百五十人並充進奏官命供奉官張文舉提轄諸道進奏院周編題監官以京朝官及三班使臣充掌受詔勅及諸司符牒辨其州府軍監以頒

下之并受天下章奏案牘狀牒以奏御及分授諸司  
續會要

中興以來隸門下後省給事中點檢乾道九年依舊隸  
後省合傳報事令後省錄付報行

中興會要孝宗會

要

又題名云宋興盡罷節度使權太平興國中因何  
保樞請以鈐轄諸道扁院額而摹印章率用名流  
糧料院宋初承舊制以三司大將軍為都糧料使自開

寶六年以著作佐郎陸光範充在京都糧料院使改用京官自此始太平興國五年分糧料諸司馬軍步軍為三院八年以馬步軍合為一院雍熙四年命供奉官陳處誨勾當諸司糧料供奉官曾祚勾當馬步軍糧料自後復分馬步軍為兩院或以諸司使副分主之端拱二年復以京朝官主之並宋朝會要元豐末併馬軍步軍為諸軍與諸司為二院中興百官題名隸太府寺掌以法式頒廩祿凡文武百官諸司諸

軍俸料以券準給

四朝志

中興以來行在有諸軍諸司糧料院鎮江建康有分差  
諸軍糧料院鄂州有分差戶部糧料院四川總所有  
分差戶部魚關糧料院分差利州戶部糧料院並

興孝宗會要

審計院宋初以三司使總邦計司各有院以乘中外泉  
穀出入之政蓋會計之府也然案牘叢委典者不能  
徧察而奸容焉淳化三年始用戶部使樊知古奏剔

其冗籍復別為院置官頒領之以聽稍食之要其置  
院之初特掌騎兵徒兵給受之數猶未及諸司也元  
豐三年合步騎兩院為一遂以其一主諸司自宮禁  
朝廷下至斗食佐史凡賦祿者以式法審其名數而  
稽其辭名者唯郊賜給已乃審祿有疑予則詔以法  
凡四方之計籍上于大農則逆其會凡有司議調度  
會賦出則諏焉設員二曰左右聽分案六史八人題  
名舊為諸軍諸司專勾司建炎元年避高宗御諱改

諸軍諸司審計司

官誥院宋初於右掖門置院四司誥身案並集于此以備中書除改本司郎官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勲用司勲掌文武官將校誥身及封贈以朝官一人主判知制誥一人提舉會要元豐五年奉行官制文武官誥身屬吏部審官屬兵部封贈及內外命婦等誥身屬司封

加勲并將校等屬司勲官誥院四部誥身案及吏人  
隨事隸本部七年并司封司勲誥身案入吏部預書  
庫收掌崇寧四年吏部專置造官誥局尋罷大觀復  
置尋改為官誥院仍隸左右司三年復罷歸吏部政  
和三年依舊置官誥院差官一員主管少府監鑄印  
記以吏部製造誥身案記為文中興以來因仍不  
改

四轄



榷貨務都茶場榷貨務掌折博斛斗金帛之屬

四朝志

以朝官諸司使副內侍二人監太平興國中以先平

嶺南及交趾諸國入貢通關市議於京師置榷易院

大中祥符中併入榷貨務

會要

建炎中興又創都茶

場給賣茶引隨行在所於榷貨務置場雖分兩司而

提轄監官並通銜管幹

建炎四年詔榷貨務都茶場依舊隸左右司其提

領措置並罷其都茶場仍令提轄榷貨務官兼行

提轄

尋徙越州一務場於建康又併真州一務場歸建康  
紹興五年詔建康鎮江兩務場只是給賣鈔引三十  
二年詔三省今後選差文臣充監官更不差武臣乾  
道六年詔依舊通差武臣

中興會要孝宗會要

先是

課入不立額惟視舊歲為等差是歲始昉分有定數  
歲總為錢二百四十萬萬行都受藏之所為數八十  
萬萬于建康者一百二十萬萬于鎮江者四十萬萬

題名

雜買務雜賣場雜買務舊曰市買司太平興國四年改  
至道中廢咸平中復置以京朝及三班內侍三人監  
掌和市百物凡宮禁官物所需以時供納雜賣務景  
德四年置掌受內外幣餘之物計直以侍出貨或準  
折支用以內侍及三班二人監後亦差文武朝官以  
四朝志會要纂  
紹興六年詔雜買務雜賣場置提轄

官一員 中興會要

左藏庫掌受四方財賦之入以待邦國之經費其原蓋起於周職內主賦入職歲主賦出而邦布之入出則外府又主之皆其職也

晉始置左右藏令

唐於左右藏分建東西庫以太府少卿知出納於左長慶門之東

宋初左藏止一庫置使領焉題名太平興國二年分為二庫淳化三年分置左右藏各二庫四年廢右併入

左政和六年脩建新庫以東西庫為名

以會要續會

要纂

中興因仍東西庫各以文臣監武臣同監其東幣帛絕紳之屬在焉其西金銀泉券絲纊之屬在焉紹興二十七年詔戶部於轄下丞簿內選一員兼充左藏庫提轄官此提轄所由始

孝宗即位詔將御前樞管激賞庫撥歸左藏庫以左藏南庫為名專一樞管應副軍期支遣於是有東西南三庫

以中興會要孝宗會要修

尋罷南庫大抵國

家用度多靡於贍兵西蜀湖廣江淮之賦類歸四總  
領所以餉諸屯其送京者殆亡幾唯閩浙悉輸焉東  
西庫歲入以端計者率百四十萬以緡計者率二千  
萬給遣稱是而大軍居十之七宮禁百司祿賜裁三  
之間有非泛浩繁之費則請于朝往往出內帑封樁  
以補所缺監官凡五人分帑而治舊以京朝官為之  
今唯才是用故四選通得八題名

文思院太平興國三年置掌造金銀犀玉工巧之物金

彩繪素裝鈿之飾以供輿輦冊寶法物及凡器服之用隸少府監 熙寧三年詔文思院兩界監官立定文臣一員武臣一員並朝廷選差其內侍勾當官並罷

以四朝志會要纂

紹興三年詔少府監併歸其文

思院上下界監官從工部辟差工部言所轄文思院舊分上下界監官三員內文臣一員係京朝官上界造作金銀珠玉下界造作銅鐵竹木雜料欲依舊分為上下界從之隆興三年詔併禮物局入文思院中

興孝宗會要

三衙類

三衙宋朝沿五代之制有侍衛親軍及殿前兩司蓋侍

衛親軍起於後唐

職畧

又石林燕語云侍衛親軍自梁起宣武軍乃以鎮  
兵因舊號置在京馬步軍都指揮使而自將之蓋  
於唐六軍諸衛之外則為私兵至後唐明宗遂改  
為侍衛親軍



殿前始於周世宗顯德元年

五代會要

世宗自高平之戰觀其退縮慨然有懲革之意又以驍勇之士多為外諸侯所占於是詔募天下豪傑不遺草澤而俱送於闕下躬親試閱選武藝超絕及有身首者分署為殿前諸班因有散員散指揮使內殿直散者頭鐵騎控鶴之號

宋初侍衛親軍置都指揮使雖都虞候亦在殿前都指揮使之上

淳化元年傳潛自殿前副都指揮使遷侍衛親軍  
馬步軍都虞候在殿前都指揮使戴興之上咸平  
三年王超自殿前都指揮使遷侍衛親軍馬步軍  
都虞候實錄

自王超罷職無復任者而侍衛司馬軍步軍遂分為  
二并殿前號三衙而馬步二軍始居殿前司之下焉  
職畧  
三司天下之兵柄皆在其權雖重而軍政號令  
則在樞密院與漢周間史弘肇之徒為之者異矣此

祖宗之微意非前世所及也

石林燕語

殿前司都指揮使副都指揮使都虞候掌殿前諸班直  
及步騎諸指揮之名籍凡統制訓練番衛戍守遷補  
賞罰皆總其政令入則侍衛殿陛出則扈從乘輿大  
禮則提點編排整肅禁衛鹵簿儀仗掌宿衛之事都  
指揮使以節度使為之而副都指揮使都虞候以刺  
史以上充資序淺則主管本司公事馬步軍亦如之  
備則通治闕則互攝

四朝志

祖宗以來三帥不曾闕

兩人若殿帥闕難以從下起補

姚麟係殿前都虞候合陞作步軍副都指揮使元祐七年樞密王巖叟言

政和四年詔殿前都指揮使在節度之上殿前副都指揮使在正任承宣使之上殿前都虞候在正任防禦使之上四朝志

宋初沿後周有殿前都點檢在都指揮使上

太祖由此承禪後不置焉中興以來主管殿前司一

員其屬有幹辦公事主管禁衛各二員準備差遣準備差使點檢點藥飯食各一員尋減幹辦公事一員增書寫機宜文字一員

馬軍司都指揮使副都指揮使都虞候都指揮使本方鎮庫校之名自梁起宣武軍乃以其鎮兵因仍舊號置在京馬步軍都指揮使掌馬軍諸指揮之名籍凡統制訓練番衛戍守缺補賞罰皆總其政令侍衛扈從及大禮宿衛所掌如殿前司政和四年詔以馬軍

都指揮使馬軍副都指揮使在正任觀察使之上馬  
軍虞侯在正任防禦使之上四朝志中興以後主管  
侍衛馬軍司一員幹辦公事準備差遣點檢醫藥飯  
食常出戍建康

步軍司都指揮使副指揮使都虞侯掌步軍諸指揮之  
名籍凡統制訓練番衛戍守遷補賞罰皆總其政令  
侍衛扈從及大禮宿衛如殿前司政和四年詔以步  
軍都指揮使副都指揮使在正任觀察使之上都虞

候在正任防禦使之上

四朝志

中興以來主管侍衛

步軍司一員幹辦公事準備差遣點檢醫藥飯食

閣職

知閣門事宋朝橫班有內客省使

崇政殿受朝而升東階侍立掌四方進奉及四夷  
朝貢牧伯朝覲酒饌饗餼宰相近臣禁衛將校節  
儀諸州進奉使賜物回詔之事

引進使四方館使

唐四方館以通事舍人判隸中書省石晉始有為  
卿監專判館者宋朝初以檢校官判館淳熙四年  
改置使名掌文武官正謝辭國忌賜香諸道月旦  
正至章表郊祀朝蕃官貢舉人進奉使京官致仕  
官道釋父老陪位之事會要

東上閤門使西上閤門使

凡取稟旨命供奉乘輿朝會游宴及贊導三公羣  
臣蕃國朝見辭謝糾彈失儀之事使副專之舍人



以下但通班贊唱而已

會要

其供職于內者多用國戚世族號為華要禮均侍從  
政和官制橫班使副之名既改為大夫而其職任則  
命內外官知焉

職畧

其後所除總名知閣門事仍兼

客省四方館之職焉紹興三年詔客省四方館並隸  
臺察

先是御史臺六察所隸官司有因一時申明免隸  
臺察去處至是殿中侍御史常同乞依舊制施行

所貴百司庶務有所按察不敢違戾故也

中興會

要

四年詔依祖宗舊制隸中書省不隸臺察

中興會要

五年詔右武大夫以上並稱知閣門事兼客省四

方館事若官未至右武大夫者即稱同知同兼序在

知閣門之下

同上

同知閣門事宋朝東西上閣門副使雖無定員然選任不及踈遠而所置常少於正使之數政和官制以左

武右武郎易二閣副使而閣門事乃命橫行知焉則  
同知之職乃昔時之所謂副使也

職畧

閣門宣贊舍人故事閣門無通事舍人而通事舍人沿  
唐制自隸中書省如抽赴閣門並稱閣門祇候其後  
直授閣門通事舍人非舊制也天禧中除閣門字政  
和六年改為宣贊舍人

政和六年御筆閣門通事舍人名稱鄙俗可改為  
宣贊舍人詔旨

閣門祇候國朝舊以閣門通事舍人閣門祇候二等謂之閣職蓋武臣之清選也

閣門通事舍人閣門祇候二等比館職清流為進取之基非熟於朝儀不在此選又有看班祇候以命世家新進及擢閣門點檢使臣為之而點檢官乃知班使之長者二年無過遂改看班政和間改通事作宣贊且不復選人才而濫處不知其數人不以為貴也

官制舊典

舊止三五員

天禧初上與輔臣語及減吏員向敏中因進言曰  
太祖太宗朝閤門祇候不過三五員宣導贊謁而  
已今踰數百而除授未已上曰此蓋相承為例當  
漸省之

熙寧四年閤門請擇武臣子弟六人前後殿日祇應  
以閤門看班祇候為名候五年熟識儀數乃除閤門  
祇候

閣門舍人乾道中孝宗初置

慶元告詞云我朝重閣門之職乾道置舍人之員

帶御器械

帶御器械宋初以來嘗選三班以上武幹親信者佩橐

鞬御劔或以內臣為之

會要

初是職止名御帶咸平

元年改為帶御器械景祐二年詔自今無得過六人

慶厯元年詔遇闕員以歷邊任有功者補之舊制外

任帶御器械過闕朝見不宿衛熙寧六年向寶移真

定府路總管過京師特命宿直並會要中興因仍

四箱

捧日天武四廂都指揮使 龍神衛四廂都指揮使

四廂捧日舊曰日騎天武舊曰控鶴

宋朝太平興國三年詔改控鶴曰天武雍熙四年改殿前司日騎曰集日龍衛舊曰龍捷神衛舊曰虎捷太平興國二年詔改龍捷曰龍衛虎捷曰神衛皆以美

名易禁軍之舊號也上四軍

殿前司捧日天武馬軍司龍衛步虎司神衛謂之

上四軍各有左右廂廂各三軍

東齋記事

環衛宮

環衛官宋朝六軍諸衛有左右金吾衛上將軍

秦曰中尉漢武改曰執金吾隋曰侯衛所領軍事

名欽飛唐龍朔改左右金吾衛正三品掌宮中及禁

城晝夜巡警之法以執禦非遠漢官宰尹曰吾禦



也常執金革以禦非常緹騎二百人與馬導從充滿於路世祖歎曰仕宦當作執金吾也

左右衛上將軍

晉武帝分中衛將軍為左右衛各大將軍一人銀章青綬隋改置左右衛為左右翊衛唐武德中更曰左右衛府龍朔中省府字

左右驍衛將軍

漢武以李廣為驍騎將軍後省之光武改屯騎為

驍騎晉文立晉臺以為宿衛官至隋煬帝改左右  
備身為左右驍衛所領名豹騎唐置驍騎府龍朔  
去府字光宅改左右武威衛神龍復舊

武舊衛上將軍

魏武為丞相有武衛營隋探其名置左右武衛府  
有大將軍光宅改左右鷹揚衛龍朔復舊

屯衛上將軍

隋煬帝置左右屯衛唐龍朔改為威衛光宅改為

左右豹韜衛

領軍衛上將軍

魏武為丞相始置中領軍魏文又置領軍晉因之  
品第三金章紫綬宋齊領軍掌內禁兵唐別置領  
軍衛大將軍龍朔改威衛咸亨復舊

監門衛上將軍

漢魏以來城門校尉之職也隋置左右監門府將  
軍煬帝改府字為衛唐置大將軍龍朔改為監衛

千牛衛上將軍

後魏有千牛衛備身本掌乘輿御刀蓋取庖丁為  
惠文君解數十牛而刃若發硎此刀可以備身因  
以名官隋左右府領千牛備身唐改為左右千牛  
府龍朔改為奉宸衛神龍改為千牛衛

諸衛大將軍諸衛將軍並為環衛官無定員皆命宗  
室為之乃武臣之贈典大將軍以下又為武臣責降  
散官政和中改武臣官制而環衛如故蓋雖有四十

八階別無所領故也

四朝志

靖康元年用御史中丞

陳過庭言請遵藝祖開寶初罷諸節度使歸環衛故事於是節度使錢景臻等並為左右金吾衛上將軍

四朝志

又崇寧四年倣古脩立三衛官有郎一員中

郎為之二文武各一員博士二主簿一親衛府有郎有中郎以后妃嬪御之家有服親及翰林學士并管庫正任觀察使以上子孫充勲衛府有郎有中郎以勲臣之世賢德之後有服親大中大夫以上及正任

團練使遥郡觀察使以上子孫充翊衛府有郎有中郎以卿監正任刺史遥郡團練使以上並以親兄弟子孫試充三衛郎治其府之事率屬日直于殿陞長在左立起居郎之前二分左右文東武西立都承旨之後親衛立於殿上勳衛立於衆殿翊衛立於兩階衛士之前中興久不除授

孝宗隆興詔學士院討論環衛官制度欲參酌祖宗時及唐太宗制度

詔曰朕惟祖宗選用將帥以崇武節外建方鎮內  
列環尹品式備具近來環衛久不除授非所以儲  
材而均任也可依舊制應以才畧聞堪任將帥及  
久勤軍事暫歸休佚之人並為環衛官更不換授  
並令兼領

如節度使則領左右金吾衛上將軍承宣使則領左  
右衛上將軍在內則兼帶在外則不帶以十員為額  
朝參侍殿並依御帶體例宗室不在此制仍不差戚

里及非戰功人除改差主兵官合不領環衛如皇城  
司帶御器械之類仍許兼領

羣書考索後集卷十二



欽定四庫全書

羣書考索後集卷十三

宋 章如愚 編

官制門

監司類

唐虞建官內有百揆四嶽外有州牧侯伯王者之時五  
國以為屬屬有長十國以為連連有帥三十國以為卒  
卒有正二百一十國以為州州有伯

秦罷封建而郡縣置御史以監諸郡

漢興省之

惠帝遣御史監三輔郡察事凡九條其後諸州復置  
監察御史

文帝以御史不奉法乃遣丞相史出刺并督察

武帝元封五年初置部刺史掌奉詔條察州以六條  
問事秩六百石 十二州縣十二人 居部九歲舉  
為守相

成帝以為刺史位下大夫而臨二千石輕重不相準  
乃更為州牧秩真二千石位次九卿

哀帝復為刺史元壽復為牧

王尊為臨州刺史馳九折坂世稱尊為忠臣黃霸  
為揚州刺史治有功宣帝詔賜車蓋以彰有德朱  
博遷冀州刺史行部決遣如神

後漢光武復刺史乘傳周行郡國錄囚徒考殿最

舊制州牧奏二千石事皆先下三公三公遣掾史按

檢然後黜退光武用法明察不復委三府故權歸刺  
舉之吏

靈帝改為牧

是時天下方亂豪傑各欲據州郡州牧之任自此  
重矣

靈帝時賈琮為冀州刺史百姓聞風自然震竦其諸  
賊過者望風解印綬去李膺為青州刺史守令畏威  
明多望風棄官

魏晉為刺史持節都督庶姓為單車刺史

魏賈陸為豫州刺史舉奏二千石以下阿縱不法  
帝曰真刺史也杜元凱荊州人號為杜父

後魏州置三刺史其後隨時沿革互有不同

隋開皇三年罷郡以州統縣自是刺史之名存而職廢  
後雖有刺史皆太守之互名非舊刺史之職理一郡而  
已

煬帝大業罷州置郡置司隸臺大夫一人巡察畿內

刺史十四人巡察畿外

唐罷郡置州改太守為刺史而雍州置牧

神龍二年分天下為十道置巡察使二十人以左右  
臺內外官堅明清勁者為之景雲改置按察使開元  
中改置採訪處置使至德之後改採訪使為觀察并  
領都團練治於所部之大郡

宋初有轉運使淳化及景德增提刑熙寧中又置提舉

運使

唐先天二年李傑

始名務先

始為水陸發運使蓋使之

名起

開元二十一年裴耀卿以侍中充江南淮南轉

運使而崔希逸蕭旻為副蓋副使始此天寶以常堅充  
勾當轉運使第五琦充諸色轉運使劉晏充諸道轉運  
使其後韓滉杜棕杜讓能崔昭緯皆以宰相充使而諸  
道分置巡院皆統於此

五代罷巡院始置轉運使

唐會要職官分紀

藝祖開基懲五季之亂藩臣擅有財賦不歸王府自乾

德以後僭偽畧平始置諸道大運使以總利權開寶六年廣南平除徐澤為判官蓋轉運判官始此

其轉運使之名宋初但曰勾當某路水陸計度轉運使官高者則曰某路計度轉運使太平興國初皆曰使兩省以上則為都轉運使又置副使與諸路判官焉又置同勾當轉運使俄罷諸路副使真宗每用兵或令都部署兼轉運使王師征討則有隨軍轉運使事畢即停至道中詔曰天下物宜民間利病惟轉運使



得以周知令更互赴闕延見詢問焉慶厯中皆帶按  
察之任六年罷三年詔諸路轉運使並兼按察使每  
歲具官吏能否先是歐陽脩請遣使按察官吏賈昌  
朝言轉運以按察官吏故令兼領之六年赦書以為  
過為煩擾吏不安其職並罷之先是判官與轉運  
使爭權而罷至嘉祐中復置職畧熙寧二年詔轉運  
使用本資序人即充資序下一等為權二等為權發  
遣中興以來逐路都轉運使除授不常唯使副判官

常置舊制轉運司除授皆命詞給誥渡江已後例給  
勅命後稍復舊轉運使副命詞運判則否六年諸路  
運判亦命詞給誥

光宗紹熙以來使副運判不雙除 開寶九年詔諸  
路官吏宜令轉運使廣訪能否第為三等歲終以聞  
咸平元年上謂輔臣曰轉運使按察使權甚重必須  
平允之吏寬猛適中 祥符七年詔曰自今轉運副  
使不限官品並在提點刑獄之上南豐除蔡俾制分

部而使雖將漕為名其實在於總庶務之子奪

主管運幹熙寧初詔諸路漕司始置屬官勾當兩員

或一員又置管勾文字

實錄見熙寧三年管勾文字不得差出

元祐中除三路外並罷後復置焉 建炎初避高宗

諱改管勾為主官勾當為幹辦

帳幹熙寧三年詔諸路漕司始置屬官 元祐七年

詔轉運司管勾文字除三路外並罷其職事帳司兼

管後復故

提刑

宋朝淳化三年遣官分往諸路提點刑獄尋省之景  
德四年真宗謂王旦曰朕慮四方刑獄官吏未盡得  
人一夫受冤即召災沴今軍民事務雖有轉運使且  
地遠無由知先帝常選朝臣為諸路提點刑獄今可  
復置仍以使臣副之於是置諸路提點刑獄公事以  
朝臣充

始命屯田李拱為之副以武臣閣門祇候以上充

天禧四年加勸農使俄改提點刑獄勸農使又以武臣為副使天聖六年悉罷八年復置嘉祐中有武臣同提點河東刑獄竊用公庫銀器及樂倡首飾議者謂武臣不可為監司罷之

治平元年罷提點刑獄委轉運司

職官分紀

熙寧二

年諸路提點刑獄復差文臣其武臣並罷之

史臣曰上以武臣罕習吏文多不足以察舉所部人材故罷之人皆以為便

十年復置提點京畿刑獄掌察所部疑留獄訟勸課農桑而按其官吏之不法別其廉吏以達于朝續會

要宣和初詔江西廣南增置武提刑一員然遇闕帥不許武憲兼攝建炎元年以盜賊未衰諸路無武臣提刑處權添差一次專管捉殺四年罷之

孝宗乾道六年詔諸路分置武臣提刑一員後復罷之

提幹建炎四年詔諸路提刑司除武臣提刑添置幹

辦公事官許行留文臣一員

中興會要

檢法熙寧六年置諸路提刑司檢法官一員從呂惠卿之請也元豐三年罷五年復置四朝列傳高賦在神宗時亦嘗請諸道刑司獄置法官

### 提舉

宋朝淳化中建常平倉

景祐元年令轉運司與長吏舉所部官專領之然猶隸漕臣熙寧遣使提領此蓋提舉常平之所始也

二年制置三司條例言河北陝西已差官提舉常平廣惠倉餘路欲差胡朝宗張復侯叔獻曾誼等並為提舉官 九年府界畿內亦專置提舉常平倉一員不令司農丞兼領元祐初罷紹聖九年復置政和改元詔江淮荆浙六路共置茶鹽提舉一員 宣和三年詔河北京東路推行新法鈔鹽可添置提舉官一員此提舉茶鹽之所始也

宋朝茶鹽事舊隸發運司元豐間或以轉運常平



官兼提舉或以提刑兼領知通提轄政和以後始  
專置官吏

既而諸路皆置建炎元年詔提舉常平司併歸提刑  
司二年復三年復詔提刑兼四年詔逐路提刑司茶  
鹽司並依舊分東西路紹興二年詔荆湖北路復置  
提舉茶鹽司四年詔廣西茶鹽司官吏並罷其職事  
委漕臣五年詔諸路提舉常平併入茶鹽司仍以提  
舉茶鹽常平等公事為名二十五年從王支請詔諸路

提舉茶鹽官改充提舉常平茶鹽公事

提幹熙寧二年置提舉常平司勾當公事於通判幕

職內選差一員不妨本職是年制置三司條例司言

京西路乞差大理寺丞朱紘淮南路著作郎曾從兩

浙路前宣州司理王醇並為管勾官

職畧

紹興三年

戶部看詳欲諸路州並以通判充主管官人許公幕

職官人差六年復置主管司十五年改為幹辦公事

依漕屬例

中興會要此常平幹也

宣和三年置茶

鹽提舉屬官一員

會要此茶鹽幹也

今提舉司存二

幹官以此

總領

南渡之初嘗命朝臣總領都督府宣撫司財賦未以官名也

紹興三年差戶部侍郎姚舜明往建康總領于都督府錢物糧斛六年都督諸路軍馬張浚言三宣撫司錢糧漕司互相占吝因致闕乏乞於戶部長貳

內郡一員來鎮江府置司專一總領詔差戶部侍郎劉寧止七年令戶部郎官霍蠡前往鄂州置局專一總領岳飛軍錢糧

紹興十一年收諸帥之兵以為御前軍屯駐諸處皆置總領以朝臣為之仍帶專一報發御前軍馬文字蓋又使之與聞軍政不獨職餽餉而已叙位在轉運副使之上鎮江諸軍錢糧淮南總領掌之建康池州諸軍錢糧淮西總領掌之鄂州荆南江南諸軍錢糧

湖廣總領掌之興元興州金州諸軍錢糧四川總領  
掌之初以胡紉為司農少卿總領淮東軍馬錢糧吳  
彥璋太府少卿總領淮西江東軍馬錢糧曾慥為太  
府卿總領湖廣江西京西路財賦湖北京西軍馬錢  
糧諸軍不聽節制十六年四川總司以總領四川宣  
撫司錢糧所為名十八年詔罷宣撫司始改為四川  
總領

見中興會要

孝宗乾道六年詔淮東總領併歸淮西總領一所中

書門下省言勘會淮東總領所廢併司名合行併入  
詔以總領兩淮浙西江東財賦軍馬錢糧為名仍鑄  
印繳納兩司元印 七年復置淮東總領孝宗會要

又湖北總領所壁記云國家駐蹕吳會形勝控扼  
之地上下數千里自蜀漢荆襄江鄂達于兩淮其  
間列戍數百而大屯不過十數視屯兵若干州之  
賦入供其軍食其始費用出入悉聽乎主將之所  
自為已而兵寢乏用紹興五年始命中都官為外

司農兼總其賦之立而制其出為四總領所

總屬紹興十一年初置四總領官屬有幹辦公事准  
備差遣四川有主管文字二員淮東淮西有分差糧  
料院審計司審三司通判兼權貨務都茶場御前封  
樁甲仗庫大軍倉大軍庫贍軍酒庫市易抵當庫惠  
民藥局湖廣有給納場屬官兼分差糧料院審計以  
屬官兼御前封樁甲仗庫大軍倉大軍庫贍軍酒庫  
四川有分差糧料院審計院審計以屬官兼大軍倉

大軍庫撥發船運官贖藥庫糴買場中興會要

都大提舉茶馬

宋朝熙寧七年始詔三司鹽鐵判官李杞三司勾當公事蒲宗閔經畫川蜀買茶充秦鳳熙河路博馬就於提舉成都府路買茶公事杞於秦州宗閔於成都置司後改名都大提舉茶馬事

成都府志

熙寧七年差

李杞蒲宗閔成都府買茶熙河路博馬並令杞等提舉置都大提舉及主管同主管各因其資品高下除



授云 元豐四年羣牧判官郭茂恂又言茶司既不  
兼買馬遂立法以害馬政恐誤國事乞併茶場買馬  
為一司從之蓋茶馬司始合於此時也

舊制於原渭德順三郡市蕃馬熙寧七年初復熙  
河經畧使王韶言西人頗以善馬至邊其所嗜唯  
乏茶與之為市請趣茶馬辦之乃命三司勾當公  
事李杞運蜀茶至熙河置買馬場六而原渭德順  
更不買馬於是杞言賣茶市馬一事也乞同提舉買

馬杞遂兼馬政然分合不常至元豐四年羣牧判官提舉買馬郭茂恂又言茶司既不兼買馬遂立法以害馬政乞併為一司從之

掌收摘山之利以佐邦用凡市馬於蕃夷以茶易之大觀以來茶馬之政廢川茶不以博馬唯市珠玉故馬政廢缺建炎四年張浚奏大石進奉珠玉高宗諭曰云云紹興四年從關師古之請以乏戰馬始令四川宣撫司支茶博馬五年密院言已於永康軍

威茂州置場七年宰臣趙鼎言得旨復置茶馬官舊  
有主管茶馬同提舉茶馬都大提舉茶馬凡三等上  
曰考其資歷命之乾道元年川秦兩司馬額共九千  
餘匹

茶馬陳彌作言本司買馬川秦兩司文黎珍叙南  
平長寧軍六州軍年額川馬五千餘匹係應副江  
上諸軍階州之峯貼陝西和州之宕昌兩處年額  
共西馬四千餘匹係輪年應副三衙

川秦兩司者祖宗舊制至今不廢

四年四川宣撫使虞允文奏照得祖宗朝都大茶馬官於秦州成都各置司治各半年撥發馬月分居秦司訖事即歸川司措置發茶并買馬物帛之類今欲依舊制於鳳州河池縣置秦司既近宕昌買馬之弊可以稽察上從之

都大提點諸路坑冶

唐開元二十五年監察御史羅文信充諸道鑄錢使

唐

會要

天寶三載楊旼除御史中丞充鑄錢使六載

度支郎中楊釗充諸道鑄錢使 永泰元年劉晏充

東都淮南浙江東西湖南山南東道鑄錢使第五琦

充京畿關內河東劔南山南西道鑄錢使諸鑄錢監

監所在州府都督刺史為之副監一人上佐判之

續

通典

宋朝自開寶平吳之後因其舊置錢監于鄱陽既而江淮荆浙閩廣之地皆有監係發運使兼提點 咸平

三年以馮亮為江南轉運副使兼都大提點江南福

建路鑄錢事內供奉官白丞睿同提點鑄錢事

實錄

至

景祐二年始置江浙川廣福建等路都大提點坑冶

鑄錢一員以魏兼為之充朝通各與提點刑獄序官

按四朝志崇宗範知鉛山縣有詔罷民采銅皆散

為盜宗範一切使如故真宗嘉異擢提點江浙諸

路銀銅坑冶與此不同當攷

元豐二年三司言江浙等路提點坑冶鑄錢官一員

通領九路水陸巡按不周欲增一員分路提點從之

遂定為兩司在饒者領江東淮浙七閩在虔者領江

西荆湖二廣焉

並聖朝職畧

至元祐元年以坑冶鑄

錢通為一司從淮南提點李深之請也

會要政和七

年置提點鑄錢官兩員於饒虔州紹興二年置虔州

提點司從提點王暎之請也

雖有上項指揮後來多在饒州置司贛州只係巡

歷

六年趙伯瑜乞依嘉祐著令銜內添都大二字與提  
刑序官二十六年詔都大提點坑冶鑄錢司官吏並  
罷令逐路轉運司交割

以尚書省言坑冶鑄錢司近年鑄錢全虧一司官  
吏所費不貲罷之

二十七年置提領諸路鑄錢官於行在差侍從或卿  
監一員不妨本職兼領置屬官三員以提領諸路鑄  
錢所為名以戶部侍郎榮彥兼二十九年從左司諫



何溥言乃復置以江淮荆浙福建廣南路提點坑冶  
鑄錢公事係銜與運判序官依舊於饒贛二州置司  
輪年守任專以措置坑冶督責鼓鑄為職 祖額二  
百六十餘萬貫

孝宗乾道六年併歸發運司七年復置此據提點司  
題名八年詔鑄錢司依舊置提點官二員於饒贛二  
州置司除王楫李大正二人九年兩司分認課額

將江南淮南兩浙潼川利州路隸饒州司江西湖

廣福建分隸贛州司又王楫等言所有舊坑多係  
江西却慮饒州一司無從措置欲於江西管內取  
撥江州吉州撫州興國軍隆興府却隸饒州司從  
之

淳熙三年併贛司歸饒州王楫專為提點官加都大  
馬

主管提幹檢踏紹興二年鑄錢司言本司昨被旨許  
置幹辦公事一員檢踏官五員催綱官二員後來興

諸司屬官一員咸罷經所隸九州不可缺官詔復置  
幹辦公事一員檢踏官三員催綱官一員後檢踏置  
六員十一年從韓環之請將檢踏官各分認專管職  
事一員在饒州本司一員在信州一員在建州一員  
在韶州一員在潭州中興會要二十六年提點坑冶  
鑄錢司官吏檢踏官等並罷二十九年因何溥議再  
置提點官於饒州置主管文字舊亦有秀州置幹辦  
公事一員韶州建州各置檢踏官一員別置秤銅官

催綱官各一員差武臣續詔於饒州添檢踏之員中

興會要

提舉市舶

唐有市舶使以右威衛中郎將周澤為之

見柳澤劾慶

立疏

代宗廣德元年有廣州市舶使呂太一

通鑑

宋朝開寶四年下廣南以同知廣州潘美尹宗琦並兼

市舶使通判謝處玘兼市舶判官

太祖實錄

咸平三

年九月庚子令杭州明州各置市舶聽官從便

長編

熙寧更始變市舶法泉人賈海外者往復必使東詣  
廣否則沒其貨海道回遠竊還家者過半歲抵罪者  
衆太守陳侂奏疏願置市舶於泉不報哲宗即位之  
二年始詔泉置市舶

侂了齋之父也時傳見延平志

舊制雖有市舶司多州郡兼領元豐中始令轉運司  
兼提舉而州郡不預矣

元豐三年書言廣西東路條已修定乞專委官催

行詔廣東以轉運使孫迴廣西以運使陳倩兩浙  
以轉運副使周直孺福建以轉運判官王子京迴直  
孺兼提舉催行倩子京兼覺察拘攔其廣東路安  
撫使更不帶市舶

後專置提舉而轉運司不復預矣後盡罷提舉官至  
大觀元年續置明年御史中丞石公弼請歸之轉運  
司不報建炎中興詔罷兩浙福建市舶司歸轉運司  
建炎時政記而廣南如故明年復置中興會要

尚書省言併廢以來工人不便虧失數多於是詔  
依舊復置

紹興四年廢福建提舉市舶初令提刑兼領旋委提  
舉茶事十三年提舉欲措置福建臘茶時欲發臘茶  
至行在置局出賣呂斌上言於是茶鹽司歸建州而  
提舉市舶以次復矣乾道二年詔罷兩浙提舉市舶  
逐處職事委知通知縣監官同行檢視而總領數令  
轉運司提督

紹興二十九年張闡言福建廣南各置務於一州  
兩浙舶務乃分建於五所至乾道初臣僚言兩淮  
臨安明州秀州温州江陰軍凡五處有市舶祖宗  
舊制有市舶處知州帶提舉市舶務通判帶主管  
知縣帶監而逐務又各有監司市舶置司乃在華  
亭近年遇明州舶船到提舉帶一司吏人留明州  
數月名為抽解其實騷擾且福建廣南皆有市舶  
物貨浩瀚置官提舉誠所當宜惟是兩浙置官委



是冗蠹乞賜廢罷從之

安撫使

梁武帝普通五年魏以酈道元為大使慰撫六鎮大使  
始此

隋文帝開皇九年詔遣柱國常洸安撫嶺外

仁壽四年以楊素為并州道行軍總管河北道安撫  
大使並通鑑

唐貞觀初遣大使十三人巡省天下

諸州水旱則有巡察安撫存撫之名節度使兼之  
則有副使天授二年發十道存撫使

職官分紀

聖厯中狄仁傑為河北道安撫

德宗貞元又置副使

今職畧

宋朝舊不常置自咸平二年以翰林學士王欽若為西  
川安撫使知制誥梁顥為陝西安撫使安撫使之名  
始此其後景德三年始置河北沿邊安撫使以雄州  
守臣為之而陝西沿邊諸州亦有安撫使慶厯二年

詔置湖南安撫司八年詔置河北四路安撫以韓琦  
王拱辰賈昌朝等充諸路使皇祐四年詔廣桂二州  
帶經畧安撫使熙寧五年罷諸路經畧安撫使崇寧  
二年置河南安撫使宣和二年置輔郡內賴昌府帶  
京西安撫使宣和三年臣僚言睦賊猖獗乞以杭越  
知州總領兼本路安撫鎮撫一方詔杭越州江寧府守臣  
並帶安撫使詔洪州守臣可依江寧府安撫使凡諸  
路安撫逐州知州兼以直秘閣以上充掌總護諸將

統制軍旅察治奸宄以肅清一道凡兵民之政皆掌  
焉帥其屬而聽其獄訟頒其禁令定其賞罰稽其錢  
穀器械出納之名籍其行以法若事難專決則具可  
否稟奏即干機速邊防及士卒抵罪則聽以便宜裁  
斷

係邊任則綏御夷狄撫寧疆圉若甲兵屯戍芻粟  
饋運則視其緩急盈虛而移用之掌凡戰守之事  
並會要續會要

建炎元年李綱請沿河沿淮沿江置安撫使兼馬步  
軍都總管以文臣充二年令將兵處知州帶管內安  
撫使後省四年置鎮撫使罷逐路安撫使後罷鎮撫  
使置安撫使始故時諸路又有安撫大使自兩浙西  
路劉光世始二品以上為帥即為安撫大使 中興會  
要

帥屬唐置藩鎮皆有參謀至行軍亦有之闕預軍中  
機密張建封置溫造字簡與說劉濟使納忠於朝

建炎四年詔兩浙西路安撫大使許置參謀參議各  
一員 紹興四年詔沿江三大使司亦許置參謀參  
議官五年詔江南西路湖南浙西安撫大使許置秀  
州安撫使許置參議共謀參議請給依本路提舉茶  
鹽支破

中興會要

機宜宋朝安撫使司其屬有勾當公事管勾機宜文  
字準備差使

哲宗正史志

建炎初安撫大使許置主

管機宜文字主管書寫本司機宜文字各一員紹興

四年詔帥府書寫機宜文字除係事干機密合書寫外其餘文字並不得簽書俸給京官依通判選人依簽判

中興會要

宋朝祖宗朝安撫使司屬有勾當公事

高宗即位事御嫌名改為幹辦公事建炎三年詔浙西安撫大使許置幹辦公事官五員其俸給京朝官依通判選人依簽判支破建炎四年江東西湖南浙西安撫大使許置幹辦公事五員安撫使置幹辦公

事四員中興會要

制置使

唐宣宗大中五年以白敏中充招討党項行營都統制

置等使

通鑑

制置使之名始此

宋朝不常置掌經畫邊鄙軍旅之事 政和中熙秦用

兵以內侍童貫為之 四朝志 宣和末姚古為京畿輔

郡兵馬制置使 靖康初种師道為河東路制置使

錢蓋為陝西五路制置使 欽宗實錄 建炎元年有招



討賊盜制置使自王淵始三年有行在五軍制置使  
自劉光世始又諸路皆有副使自江浙陳彥文程千  
秋始六月浙西安撫使康允之帶本路制置使安撫  
帶制置自此始也四年有沿江都制置使管江南東  
路知建康府紹興二年有沿海制置使係建康兩浙

東路三年有安撫制置使大使之名自江南西路大  
使趙鼎始六年始鑄印以某路制置司為名從浙西  
淮東制置使梁汝嘉所請也其後盡省惟四川沿海

有焉 四川係成都府沿海明州

經畧使

唐貞觀二年邊州別置經畧使此蓋使名之起

唐百官

志

節度兼度支營田招討經畧使則有副使判官各

一人 職官分紀 儀鳳二年以黑齒常之為河源軍經

畧大使 今職畧 永淳元年婁師德為河源軍經畧副

使 通鑑 至德三年賀蘭進明除嶺南五府經畧兼節

度使建中元年除元琇節度始不帶五府經畧 唐會

要

宋朝不常置咸平五年始以右僕射張齊賢為邠寧環  
慶涇原路經畧使判邠州諸路軍馬並受節度又以  
鄧州觀察使錢若水為并代經畧使判并州自後不  
除人寶元中夏人入寇始命陝西沿邊大將皆兼經  
畧皇祐間儂智高擾邊詔知廣桂州並帶經畧安撫  
使自後西南二邊常帶經畧所以重帥權而服羗夷  
也四朝職畧國朝會要其經畧安撫各以直祕閣以

上充掌一路兵民之事皆帥其屬而聽其獄訟頒其  
禁令定其賞罰增其錢穀甲械出納之名籍而行以  
法若事難專決則具可否稟奏即干機速邊防及士  
卒抵罪則聽以便宜裁斷帥臣任河東陝西嶺南路  
職任綏御戎夷則為經畧安撫使續會要四朝志南  
渡之初依舊制廣南東路帶主管經畧安撫使公事  
西路帶經畧安撫使紹興五年令襄陽守臣湖北帥  
帶經畧安撫使

中書門下省言湖北帥司已移還荆南舊治與襄陽府事體頗同詔王庶許依襄陽例帶經畧安撫中興會要後罷而二廣如故

京尹

秦分天下為三十六郡京師為內史

漢因之景帝分左右內史

武帝置京兆尹右扶風左馮翊為三輔

後漢都洛為河南尹 魏晉因之歷代所都皆為尹江

左為丹陽尹 北齊為清都尹後周及隋復為京兆尹  
唐初置牧開元復為尹五代都汴為開封尹

宋朝牧尹不常置太宗真宗皆嘗尹京後親王無繼者  
權知府一人以待制以上充掌尹正畿甸之事中都  
之獄訟皆受而聽焉小事則專決大事則稟奏若承  
旨已斷者刑部御史臺無輒糾察典司轂下 建隆  
以來為要劇之任 崇寧三年蔡京乞罷權知府置  
牧尹各一員專總府事牧以皇子領尹以文臣充

四

朝志

尹以親王為之號判南衙凡命知府必帶權字以翰林為之翰林學士及雜學士若待制則權發遣而已所選皆人望蓋四方取則之地也

聖朝職畧

中興駐蹕杭州建炎三年改杭州為臨安府守臣帶浙西安撫多卿監從臣兼紹興三年詔臨安府有稟奏事許不隔班上殿乾道七年皇太子領臨安府尹就東宮為廨廢臨安府通判簽判職官置少尹判官推

官少尹一依淳化判官例差侍從以上判官依前夫  
聖令用郎官以上餘曹掾依舊府官庭參仍拜掾事  
少尹裁決徒流以上具案判準表奏則繫皇太子銜  
申中書以下文移則少尹簽書九年皇太子辭免臨  
安府尹其知通簽判推判官並復置 中興會要孝宗  
會要

留守

隋大業九年代王侑留守西京十二年李淵太原留守



王威商君推為副

通鑑

唐太宗貞觀十七年親征遼東置京城留守以房玄齡充蕭瑀為副咸亨二年高宗幸洛陽以雍州長史李晦為西京留守其後車駕發京都則置留守以右金吾大將軍為副留守太原府亦置尹及少尹以尹為留守少尹為副留守謂之三都留守

見唐職林及職

官分紀

宋朝天子巡狩親征則命親王或大臣總留守事建隆

元年親征澤潞以樞密使吳延祚為東京留守其西  
南北京留守各一人以知府事兼之

闕

天北京大名見分紀

留守司掌宮鑰及京城守衛修

葺彈壓之事畿內錢穀兵民之政

四朝志

建炎初京

城有副留守

以檢校少傅寧武軍節度使范訥充留守以待衛  
親軍都指揮使遂安軍承宣使郭仲荀副之

又有西京留守並係執政從臣充兼節制軍馬其後

武林建鄴並建行宮武林視汴都而建鄴視三都焉

聖朝職畧

紹興四年參知政事孟庾為行宮留守從

權措置百司事務六年有行宮同留守以左通奉大夫孟庾提舉萬壽觀兼侍讀充詔二留守並權赴尚書省治事

是年八月三省已降指揮三省樞密院常程事務並聽行宮留守司與決詔泰檜孟庾並權赴尚書

省治事

中興會要



羣書考索後集卷十三